

ESTIVADA 2013...

La vilo de Roudés counvido mai aquest an tóuti lis aparaire de la lengo dóu 23 au 27 de juliet pèr soun festenau de la cultura nostros.



Prouvènço d'aro

Tóuti li mes, lou journau de la Prouvènço d'aro

Juliet-avoust 2013

n° 290

2,10 €

Rugbi

Drapèu de Prouvènço à l'Estadi de França

Lou dissate 1é de jun 2013, de milié d'afouga dóu *Rugbi Club Toulounen*, s'acampèron davans la garo SNCF de Touloun, pèr s'enana devers la capitalo. D'uni se tenguèron proche lou baloun rouge pèr ana dins lou trin rouge, d'autre proche lou baloun jaune pèr ana dins lou trin jaune, à la seguida dis un e dis autre. Tout acò fuguè bèn ourganisa pèr fin de noun s'engana e de parti à l'ouro dins la bono veituro dóu camin de ferre. Erian embuga d'enavans e d'estrambord... Tóuti, avian bon espèr de triounfla de Castro e de reveni emé lou blouquié de Brennus... Lou viage se faguè dins la bono imour, e nautre, lis afouga cante-rian enjusqu'à Paris. Li trin arribèron un à cha-un à la garo de Lioun. Counsigno nous fuguè dounado de s'acampa plaço de la Bastiho, e de milié d'afouga s'acaminèron pèr fourma uno nivo roujo e negro. Dins lou travessa di carriero de la capitalo, uno foulo afestoulido e cantarello faguè lou passo-carriero enjusqu'à la coulono de la Bastiho. Fuguè un chale qu'es pas de dire, e la gau me subroundavo... S'ausissié de crid de joio, bessai que sarié lou jour di 7 gau... N'en sabiéu rên encaro...

Dins lou tantost, lou tèms se debanè lèu lèu... Deciderian de parti vers la Tourre Eiffel que s'abouravo au luen, toujour majestouso, en ribo de la Sèino mounte li batèu-mousco car-rejavon li touristo. Léu, la pichoto lerenco e ma chourmo de coumpan, après un repaus bèn merita, nous enanèrian devers l'Estadi de França. Sus lou camin, rescouterian de nombrous afouga Castrés, que fuguèron tras que simpati. E nous vaqui, bèn lèu au pica de la daïo. Quasimen 80 mn d'un doublat istouri... Quouro rintrère dins aquesto immensita, un sentimen de puissanço s'abourè. De-segur, fuguère pas souleto... Despièi lou matin, aviéu dins moun sa d'esquino lou Drapèu de Prouvènço, l'aviéu mena à l'Estadi de França. E lou vaqui floutant majestuous, grand, blu e jauno, e se vesié mai-que -mai au mitan di drapèu rouge e negro. Quento esmougudo! Quente plasé! Lou tèms que li 80.033 regardaire s'assetèsson e lou rescont-re coumencè... Avian fisanço dins nòsti cam-pioun d'Europo, qu'avien capita la H Cup lou mes d'avans. Mai, Jonny e sa chourmo sem-blèron alassa e bèn-lèu, lou rescontre virè en favour de Castro que fuguè un valurous adver-sàri. E, mau-grat, l'envejo di Toulounen, li Castrés faguèron mirando e la lougicou res-petado: lou meïour de la serado capitè...

Lou rescontre acaba, m'enanère lèu lèu pèr m'entourna en metrò pièi en camin de ferre, au miéu, en ribo de mar. Bèn qu'un pau deçaupudo, fuguè uno meravihouso journado qu'oublidarai jamai, vèire tant de gènt uros, lou pople en info fuguè un chale. Lou lende-man, uno fèsto fuguè previsto pèr la munici-palita pèr fin de festeja li jougaire dóu RCT e li gramacia de sa bono annado dins lou champ-iounat mai, subre-tout, de nous agué pougri la H Cup pèr lou 1é cop. Un desenau de milié d'afouga fuguèron au rendès-vous emé li jou-gaire e la Coupo. Osco Touloun, e longo mai!

Rèino Oberti

Prouvènço dins l'estade



La carriero drecho ounourado

La carriero drecho de La Ciéutat à l'ounour

L'*Uniuon Prouvençalo* estigancè, coume chasco annado, la *Fèsto dóu pople prouven-çau* que se debanè aquest an à Marsiho à l'oustau de la Region dins uno salo dóu Counsèu regiounau.

Lou dissate 1ié de jun de 2013 èro lou 21en counours di jouine: un fube de jouine dis escolo elementari o di coulège presentèron sis obro lou matin o lou tantost.

Dos escolo de La Ciéutat que seguïsson l'ensignamen prepausa pèr "La carriero drecho" an esbrihauda.

L'escolo de "L'Abèille" a agu lou prèmi prou-mié. L'escolo "Rougé Le Guérec" a agu lou

prèmi segound dins la categorio "creacioun de tèste". Lis enfant se soun entourna au siéu em' un mouloun de present. Tóuti fuguèron uros de faire lou tour de la vilo emé lou pichot trin fin qu'à Nosto Damo de la Gàrdi. Lou dimenche 2 de Jun de 2013 la vice-pres-identè dóu Counsèu Regiounau nous a fa l'ounour d'èstre emé nautre au noum de Miquèu Vauzelle. Sa dicho e la de Louïs Scotto, representant de l'*Uniuon prouven-çalo* afeciounavon lis acioun pèr apara nosto identita prouvençalo.

"La carriero drecho", associacioun ciéuta-denco de lengo e de cultura prouvençalo a mai davera aquest an e pèr lou tresen cop, la *Mirèio d'or*.

L'an garda tres annado à-de-rèng aquèu

troufèu! Acò es tras qu'impourtant pèr faire la bello provo que la lengo nostros es pas morto en aquesto annado *Marsiho 2013, capitalo de la cultura*.

L'associacioun es aro foro-counours pèr la *Mirèio d'or* mai vai countunia pèr davera la *Mirèio d'ounour* en 2014 qu'es l'annado de la despartido de Frederi Mistral.

Li tèmo soun drud e la chourmo a uno voio grandarasso.

Li dos journado fuguèron agradio emé, ape-ritiéu, passo-carriero, danso fòuclourico, repas e amista.

Oscos en tóuti e à-n-aquéli pichoun, i partici-pant e subre-tout gramaci à l'*Uniuon prou-vençalo* qu'à estigança aquelo fèsto.

Andriveto Sènès

Inaguracioun dóu CERCOC

Lou es lou *Cèntr d'Estudi de Restauracioun e de Counservacioun dis Obro*.

Pajo 3

"Estivada" 2013 à Roudés

Lou prougramo coumplèt di cinq jour de festenau e de rescontre.

Pajo 12

Lis escrivan en Eslouvenio

P.E.N. Club de lengo d'oc e creacioun literari de la periferio vers lou cèntr.

Pajo 7